



MRT
CORP

Perasmian **MRT** Sungai Buloh-Kajang Fasa 1

KOSMO! JUMAAT 16 DISEMBER 2016

Najib umum penumpang nikmati tambang percuma selama sebulan

MRT mula operasi hari ini

Kosmo
16/12/2016
mls 2-3

PETALING JAYA – Sistem pengangkutan awam di negara ini membuka satu lembaran baharu apabila Perdana Menteri, Datuk Seri Najib Tun Razak menyempurnakan perasmian operasi perkhidmatan Mass Rapid Transit (MRT) Sungai Buloh-Kajang (SBK) fasa pertama semalam.

Perkhidmatan MRT fasa pertama di negara itu menghubungkan ke Semantan, Kuala Lumpur melibatkan laluan sepanjang 21 kilometer (km) dengan 12 buah stesen.

Stesen tersebut ialah di Sungai Buloh, Kampung Selamat, Kwasa Damansara, Kwasa Sentral, Kota Damansara, Surian, Mutiara Damansara, Bandar Utama, Taman Tun Dr. Ismail, Phileo Damansara, Pusat Bandar Damansara dan Semantan.

Pada majlis perasmian itu, Perdana Menteri turut mengumumkan berita gembira bahawa pengendali MRT, Rapid Rail Sdn. Bhd., anak syarikat Prasarana Malaysia Bhd. (Prasarana) memberikan perkhidmatan MRT dan bas pengantara percuma di stesen selama sebulan bermula-hari ini sehingga 16 Januari depan.

"Ini sebagai hadiah tangan baru kepada rakyat dan memberikan mereka peluang untuk mencuba kemudahan pengangkutan awam yang baharu, moden dan efisien," kata Najib ketika merasmikan pelancaran operasi fasa pertama MRT Laluan Sungai Buloh-Kajang (SBK) di Stesen Kwasa Damansara di sini semalam.

Turut hadir Menteri Pengangkutan, Datuk Seri Liow Tiong Lai; Menteri Kewangan II, Datuk Johari Abdul Ghani; Ketua Setiausaha Negara yang juga Pengerusi Lembaga Pengarah



NAJIB menerima cenderahati replika tren MRT daripada Ali (kiri) selepas Perdana Menteri merasmikan pelancaran perkhidmatan MRT Sungai Buloh-Semantan fasa satu di Stesen Kwasa Damansara, Petaling Jaya semalam.



NAJIB bersama Tiong Lai (dua dari kiri) dan Syed Hamid (dua dari kanan) menaiki perkhidmatan MRT dari Stesen Kwasa Damansara ke Sungai Buloh semalam.

MRT Corp. Sdn. Bhd., Tan Sri Dr. Ali Hamsa; Pengerusi Suruhanjaya Pengangkutan Awam Darat (SPAD), Tan Sri Syed Hamid Albar dan Ketua Pegawai Eksekutif MRT Corp., Datuk Seri Shahril Mokhtar.

Najib yang juga Menteri Kewangan berkata, projek MRT yang terangkum dalam Program Transformasi Ekonomi tersebut menelan belanja sebanyak RM21 bilion.


Katanya, projek itu berjaya menjimatkan kira-kira RM2 bilion daripada kos sasaran RM23 bilion yang ditetapkan oleh kerajaan.

Perdana Menteri turut melahirkan rasa bangga dengan kemampuan MRT Corp. yang berjaya menyiapkan projek tersebut dalam tempoh lima tahun yang ditetapkan.

"Sepanjang tempoh lima tahun pembinaan projek ini, tarikh sasaran ini tidak pernah sekali pun bertukar.

"Syabas dan tahniah kepada MRT Corp. dan semua yang bekerja keras siang dan malam untuk mencapai sasaran ini," katanya.

Menyifatkan projek MRT itu begitu dekat dengan hati be-



JAJARAN perkhidmatan MRT dari Sungai Buloh ke Semantan.

liau, Najib berkata, perkhidmatan tren tersebut juga memberi manfaat secara langsung dan tidak langsung daripada kerjasama pembinaan, penjanaaan peluang pekerjaan, peningkatan nilai hartanah, produktiviti dan penjimatan masa rakyat.

Katanya, projek berkenaan juga berjaya mengangurahkan 50 peratus daripada jumlah nilai kontrak kepada syarikat bumiputera, melebihi sasaran 43 peratus yang ditetapkan di peringkat awal.

Perdana Menteri berkata, usahawan bumiputera turut diberikan sebanyak 50 peratus ruang niaga di stesen-stesen MRT dan ia jauh melebihi sasaran awal se-

banyak 30 peratus.

Dalam pada itu, Najib yakin Rapid Rail sudah cukup bersedia memainkan peranan mereka berdasarkan pengalaman luas dalam mengendalikan perkhidmatan Aliran Transit Ringan (LRT), Monorel dan perkhidmatan bas awam di Lembah Klang dan lokasi lain di negara ini.

Sejurus majlis perasmian itu, Najib bersama hadirin menaiki MRT dari Stesen Kwasa Damansara ke Stesen Sungai Buloh.

Laluan fasa pertama MRT itu mula menerima penumpang bermula pukul 6 pagi ini.

Fasa kedua projek MRT sejauh 30 kilometer pula

- Projek MRT mula dibina pada Julai 2011
- Terdapat 12 stesen di antara Sungai Buloh ke Semantan
- Laluan fasa pertama sejauh 21 kilometer (km) daripada keseluruhan 51km
- Perjalanan dua hala Sungai Buloh-Semantan mengambil masa selama 71 minit
- Guna empat gerabak (dua gerabak motor, dua gerabak treler) tanpa pemandu
- Sedia kemudahan 88 kerusi untuk penumpang
- Kapasiti 1,200 penumpang untuk satu perjalanan (empat gerabak)
- Kelajuan 100 kilometer sejam
- Kadar kekerapan 3.2 minit
- Kadar tambang antara RM1 hingga RM3.90
- Dijangka menampung 400,000 penumpang sehari selepas siap sepenuhnya.
- Mempunyai laluan bawah tanah sejauh 9.5km melibatkan stesen Muzium Negara, Pasar Seni, Merdeka, Bukit Bintang, Razak Exchange, Cochrane dan Maluri
- Sedia kemudahan 8,000 ruang parkir di stesen MRT tertentu
- Kadar rata parkir RM4.30 sehari di stesen kendalian MRT Corp iaitu stesen Sungai Buloh dan Phileo Damansara bagi pengguna kad Touch 'n' Go
- Fasa kedua sejauh 30 kilometer membabitkan 19 stesen dari Semantan ke Kajang dijangka beroperasi bermula Julai 2017

membabitkan 19 stesen iaitu dari Semantan ke Kajang dijangka beroperasi sepenuhnya bermula 31 Julai 2017.

Jumlah penumpang MRT dijangka mencecah kira-kira 400,000 orang sehari apabila ia siap sepenuhnya kelak. Secara keseluruhan, perkhidmatan tren termasuk komuter, monorel, LRT dan Express Rail Link (ERL) akan digunakan kira-kira 2.3 juta penumpang sehari.



PERDANA MENTERI, Datuk Seri Najib Tun Razak (tengah) menyaksikan Pengarah Urusan SIRIM QAS International Sdn. Bhd., Mohd. Azanuddin Salleh (kiri) menyampaikan sijil Pengurusan Kualiti ISO9001:2015 kepada Ketua Pegawai Eksekutif MRT Corp, Datuk Seri Shahril Mokhtar (dua dari kanan) pada majlis perasmian perkhidmatan MRT Sungai Buloh-Kajang fasa pertama di Stesen Kwasa Damansara, Petaling Jaya semalam. Turut kelihatan Ketua Setiausaha Negara, Tan Sri Ali Hamsa (kanan).

BERSEGERALAH TUNAI KEWAJIPAN! BERZAKAT DENGAN 2 CARA

1 BAYARAN DI KAUNTER

KAUNTER PPZ-MAIWP DIBUKA SETIAP HARI
TERMASUK CUTI UMUM DI BULAN DISEMBER

Waktu Operasi

Isnin - Jumaat	- 08:15 Pagi - 04:45 Petang
27 - 31 Disember	- 08:15 Pagi - 08:00 Malam
UTC Pudu Sentral	- 08:30 Pagi - 10:00 Malam

2 BAYARAN DI PORTAL

- Layari **zakat.com.my**
- Klik disini   
- Isi ruang bayar zakat

TALIAN ZAKAT 1 300 88 5757

PPZ
PUSAT PENGUTAHAN ZAKAT



SEORANG pekerja membuat pemeriksaan ke atas mesin pembelian tiket perkhidmatan MRT Sungai Buloh-Kajang menjelang pembukaan operasinya kepada orang ramai hari ini.



NAJIB bersalaman dengan tetamu ketika menaiki perkhidmatan MRT dari Stesen Kwasa Damansara ke Sungai Buloh semalam.



TETAMU pada majlis perasmian pelancaran perkhidmatan Mass Rapid Transit (MRT) Sungai Buloh-Kajang fasa satu cuba perkhidmatan tren itu dari Stesen Kwasa Damansara ke Sungai Buloh semalam.



NAJIB menaiki perkhidmatan MRT dari Stesen Kwasa Damansara menuju ke Stesen Sungai Buloh semalam.



TREN MRT bergerak lancar selepas perkhidmatan tersebut dirasmikan Perdana Menteri di Stesen Kwasa Damansara, Petaling Jaya semalam.